

## پولس سفر به مقدونيه و يونان و همراه بوستن لوقاي پزشك اون امرأ

۱ چونكى جينجال به آخر فارسه، پولس ايمانداران دوخوآده و بعد تشويق، خوداحافضى بوكوده بوشو منطقهى مقدونيه. ۲ اون خو راه ميان به هر ديارى كى شويى، ايمانداران خو گبان امرأ ديگرمىى زيادى دىى تا يونان ميان فارسه ۳ و سه ماه اويه بيسه. وختى كى خواستى كشتى امرأ بشه سوريه، يهوديان بر ضد اون نقشه بكشه يدى. هن وستی تصميم بيگفته كى جه راي مقدونيه واگرده. ۴ اوشانى كى پولس امرأ همراه بيد: سوپاتروس پيروس زاي كى جه مردومان بيريه بو، اريستارخوس و سكوندوس كى جه مردومان تسالونيكى بيد، گايوس دربه شين، تيخيكوس و ثروفيموس آسيا شين، و تيموتائوس. ۵ اوشان پيشتر بوشويدي و ثرواس ميان امى منتظر ايسه بيد. ۶ ولى امانم پولس امرأ بعد ايام عيد فطير، جه شهر فيليپى كشتى سوار بوستيم و بعد پنج روز، بندر ثرواس ميان بوشوييم و اوشان ورجه هفت روز بيسه ييم.